

Enformaziuns y Comunicaziuns

Laldun le Signur: Chi co oress avèi le liber de dljia nò „Laldun le Signur“, por l'oraziun a ciasa y te familia, pó damané do te calogna, olache an le ciafa por 20,00€.

Preparaziun al maridé: Le Sorvisc ai Jogn Val Badia mèt a jí i „Dis de preparaziun al maridé“, **sabeda y domègna ai 15. y 16.04., tal zënter Saj.un sò La Ila.** Le curs é limité a 12 pèrs y al é da s'anunzié te Sorvisc ai Jogn al **0474 523070 o ala e-mail info@jogn.org, anter i 31 de merz.** Cost: 180,00€ a pèr (curs + 2 marènes).

Biblioteca: La Biblioteca „Angelo Trebo“ y le Zenter Families Mareo envièia a na picia encuntada con i picci cina 3 agn, por descori deboriada le monn dai libri: **en lönesc ai 6 de forá ales 10 danmisdé,** te biblioteca.

La Spona: Le zënter sozial „La Spona“ **chèi adöm restli de ciandères o de cèra,** da podèi laoré sò. An pó i dé jö ete d'La Spona ta Pederoa. Sce al foss saré, preibel i lascé dan porta. Dèr bel iolan.

Le Saltá: Tla pröma ediziun dla plata de Comune „Le Saltá“ gnarál publiché i nasciüs dal 2022, tan ennant che i geniturs é a òna. Chi co oress lascé publiché, é periès da mené na foto te bona cualité a **palfrader@rolmail.net** anter le **vèndres ai 17 de forá.** Lapró él da scrí: „Nos geniturs sun a òna che al vègni publiché la foto de (ennom) tal Saltá“, con l'ennom y cognom de entrami i geniturs.

Museum Ladin: En dedemesaledema ai **15.02. dales 14:30 ales 16:30** vègnel organisé tal Museum Ladin en labore por mitans y mituns dla elementara, olache ai pó emparé da conèscle le Carlascé Ladin y pastlené mascheres da Carlascé. Cost: 5,00€ a ce. Al é da se scrí ete a **info@museumladin.it** . Max. 15 partezipanc.

Oraziun por la vita

Signur, la vita é Töa scincunda: dèidesse da la tó sò.

Signur, la vita vèn emprömadédöt: dèidesse da la respeté.

Signur, la vita é na ligrèza demorvèia: dèidesse da la lascé crèsce te to bèn.

Signur, la vita é comuniun: dèidesse da ester solidai y responsabli.

Signur, la vita é ince dolur: dèidesse che i ánse tres speranza te töa consolaziun.

Signur, la vita é amur: dèidesse da ester fontanes y scincundes d'amur.

Signur, la vita é crèta: dèidesse da costruì dé por dé liams y punc de lereté.

Signur, la vita é speranza: dèidesse da avèi le dejier dô l'eternité.

Signur, la vita é pèsc: dèidesse te nosta pazianza y tal pordonn.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA

www.unitepastorala.org

Ann A

**05.02.2023 - 5. Domègna ia por l'ann
Dé dla Vita**

nr. 11

Os sèis le sé dla tera... osta löm dess lominé...

Dal Vagnele dô San Mateo 13 - 16

Te chël tomp ti á Gejú dit a sù discepu: ¹³Os sèis le sé dla tera. Sce le sé perd sò saú, co pón pa endò le fá saré? Al ne val plü nia; al vèn sciuré demez y ciapé sot dala jont. ¹⁴Os sèis la löm dal monn. Na ciüté, co é sòn na munt, ne sciafia nia da romagner ascognüda. ¹⁵An n'empèia gnanca na löm y mèt na sèdla sorajö, mo an la mèt sòn en ciandelier, spo ti lominera a düc te ciasa. ¹⁶Ensciö dess osta löm lominé dan dala jont, ch'ai vèighi ostes bones operes y laldi osc Pere tal cí. **Parora dal Signur. - Lalt a te, Gejú Crist!**



De dla Vita: parores dal Vèscio Ivo Muser...



La fede cristiana é portada dal „Sciö“ de Chël Bel Dio a sò creaziun, a dotes les formes dla vita y ala persona fata dô sò imaja y vardiana dla creaziun. I Cristiagn partèsc cösta convinziun con trec cherdonc de d'atres religiuns, y la vita ciafa te Gejú co s'á fat persona la convinziun che la vita umana é sacrosanta.

I Cristiagn é por la vita, ai é amisc dla vita: dla vita umana y dla vita tla creaziun, dla vita gnüda al monn y de chëra co n'é nia ciamó gnüda al monn, dla vita con dejabilité y

nia enultima ince dla vita eterna. (...) Da sòa fede enfora se reconèsc i Cristiagn tla responsabilité che ai á defrunt a dōta la creaziun y ai sá che cösta ne vá nia zonga na müdaziun de ponsier y zonga renunzia. Y sce nos fedei o nos desco Dljia s'án ciarié sò val' colpes, periunse Chël Bel Dio dô comprensciun y pordonn.

Anfat sce ciamó tla punza, desco möt o persona jona, desco persona de tomp o te fases esistenziales de sòa vita, tla maratia o dan la mort: **vigne vita umana é por le monn na scincunda unica.** Y vigne vita se merita amur, respet y dignité. Porchèl: chir fora la vita! Al é dagnora cösta alternativa: „Sciö“ ala vita, „Na“ a na cultura dla mort.

I ti diji iolan a düc chi co se mèt sòn la pert dla vita: tal ponsier, tal baié y tal fá. I ti diji iolan a düc chi co dèida d'atres persones da tó na dezijiun por la vita.

Edema liturgica dai 05.02. ai 12.02.2023

DOM 05.	5. domëgna ia por l'ann Dé dla vita	<i>Ingenuin y Albuin veschi de Jënn, Adelheid, Elisabeth</i>
06:30	gran mëssa por dōta la ploania <i>oferta por la ploania</i> LAD	
	+nta Ties Judita - +nta Ida Craffonara Pisching +nc' Ottilia y Emilio Castlunger - +nt Sergio Miano +nt Carlo Erlacher – de rengr. por Erlacher Marianna con familia +nc' Rosa y Raimondo Dalla Santa	
08:30	<i>zelebrazium dla Parora de Dio a La Pli</i>	
Lön 06.	<i>Paul Miki y compagns, Dorotea, Amando</i>	
19:30	<i>s.m. a La Pli</i>	
Ded 07.	<i>Richard, Eugenio</i>	
07:30	<i>s.m. a Antermëia</i>	
19:30	corona	
Dem 08.	<i>Hieronymus Ämiliani, Josefine Bakhita, Filip</i>	
Jöb 09.	<i>Apolonia, Alexia, Anna Katharina</i>	
07:30	<i>s.m. a Rina</i>	
Ven 10.	<i>Scolastica, Wilhelm</i>	
07:20	s.m. por i scolari +nc' Obojes Marta, Canzio y Alma LAD	
	+nta Edeltraud Call Erlacher - +nc' de Frieda Comploi por les Püres Animes	
14:30	s.m. a Longega te capella	
15:00	corona	
Sab 11.	<i>memoria de Santa Maria da Lourdes - de mondial dai amarés, Anselm, Teodora</i>	
07:30	<i>s.m. a La Pli</i>	
17:30	corona	
18:00	s.m. pefestia ITA	
	dal ann por +nta Angela Ties y +nc' Judita y Angelo Ties de Col dal por +nta Rosa Mutschlechner Crepaz +nc' Pedevilla Erlacher Marianna, Sr. Edith, Lois y Nese dl' Ombolt +nc' Maria Teresa y +nc' fredesc Kastlunger dal Medo +nt André Videsott - +nt Eduard Ties	
DOM 12.	6. domëgna ia por l'ann	<i>Gregor II, Benedet</i>
06:30	<i>gran mëssa a La Pli</i>	
10:00	gran mëssa por dōta la ploania <i>oferta por la ploania</i> LAD	
	dal ann por +nta Klara Hochwieser Beikircher +nc' Tamers Carlo y Maria y Ties Tone y Angela +nt Doro Castlunger da Grones + nt Franz Kanetscheider +nc' de Giovanni Pescollderung y Annamaria Clara	

**„Es gibt niemanden, der im Plan Gottes
unbedeutend ist.“**

Alistair Begg

Ponsier dla domëgna

Löm y se: vire da se ofri sö y se scinché y nia con orëi se conservé. (Helmut Thielicke)

Löm dal monn

I cristians é la löm dal monn.

So lominus lomina endlunch söla tera.

Ai porta löm tles scürités dal monn.

Cösta é la ghiranza y gonot ince la realté.

Mo ci fej pa fora dai cristians la löm dal monn?

I ponsun do

Le Vagnele nes dij cal co é le compit plö

emportant por i cristians: Le apostul de Gejú

dess -enlö olache al vir - éster por i atri na löm;

söa bunté dess -desco le se tla spëisa - cambié


la saú dal monn. En apostul co ne lomina nia y

co ne cambia nia con so fá, n'é dal Vagnele

enfora por nia.

I periun

Dio onipotënt, dëidesse con la fede, con costanza tla speranza y con operes
d'amur, da dé testimonianza de Te ala jont. Por Crist, nosc Signur.



Dasein zum Leben

Dasein füreinander

Dasein miteinander

Dasein nebeneinander

Dasein, wenn man dich braucht

Dasein, wenn man dich ruft

Dasein zum Sehen

Dasein zum Hören

- zum Reden

- zum Fühlen

Dasein zum Lieben

Dasein zum Schenken

Dasein zum Freuen

Dasein zum Genießen

Dasein zum Nehmen

Dasein zum Geben

Dasein zum Trauern

Dasein zum Entbehren

da sein, nur um da zu sein,

da sein zum Leben. (M. B.)



GEBETSMEINUNG
DES PAPSTES FÜR

Februar

Beten wir, dass die Pfarreien das
Verbindende miteinander und mit
Gott in den Mittelpunkt stellen
und so immer mehr von Glauben,
Geschwisterlichkeit und Offenheit
gegenüber denen, die es am meis-
ten brauchen, erfüllt werden.

Sorvisc dai Ministronc

Vendres 10/02 (07:20h): Elena Frenademetz, Pire Maneschg, David Palfrader,
Barbara Rungger Kuprian, Alicia Angelica Weiss;

Sabeda 11/02 (18:00h): Emily Agreiter, Jimmy Call, Niki Fappani, Felix Feichter, Emma
Irsara, Elias y Silvia Obojes, Andy, Lisa y Mattia Ploner, Anita Possamai, Anna
Promberger, Jonas Rindler, Angela Trebo;

Domëgna 12/02 (10:00h): Anja, Emil y Paul Ellecosta, Sophie y Roman Kaneider,
Emily Leonardelli

N.B.: Düc i ministronc é entres begnodüs da gni a sorví, ince sce ai n'é nia scric sö!

